

## ხელშეკრულება

### სახელმწიფო შესყიდვის შესახებ N02-38

CPV 30200000 - კომპიუტერული მოწყობილობები და აქსესუარები;

CPV 30237280 - ენერგომომარაგების აქსესუარები;

ქ. თბილისი

24 ივნისი, 2019 წელი

ერთი მხრივ სსიპ განათლების მართვის საინფორმაციო სისტემა (შემდგომში - შემსყიდველი), მისი უფროსის - დიმიტრი ბერიძის სახით და მეორე მხრივ, შპს „აღელაინი“ მისი დირექტორის ხათუნა ომხარელის სახით (შემდგომში „მიმწოდებელი“), ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს<sup>1</sup>“ ქვეპუნქტისა საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი და ობიექტი

1.1. ხელშეკრულების საგანია კომპიუტერების კვების ბლოკების სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად.

1.2. ხელშეკრულების ობიექტია:

N	დასახელება	განზომილება	რაოდენობა	ერთეულის ფასი	ჯამი
1	მოდელი - FSP500-50AAGA (Acer veriton M4630G desktop კომპიუტერის მოდელთან თავსებადი)	ცალი	2	370.00	740.00
საერთო ჯამი					740.00 ლარი

### მუხლი 2. ხელშეკრულების ღირებულება და ანგარიშსწორების პირობები

2.1. ხელშეკრულების საერთო ღირებულება შეადგენს: **740.00** (შვიდასორმოცი ლარი და 00 თეთრი) ლარს.

2.2. ხელშეკრულების ღირებულება მოიცავს შესყიდვის ობიექტთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

2.3. ანგარიშსწორება მოხდება უნაღდო ანგარიშსწორებით, საქართველოს ეროვნულ ვალუტაში.

2.4. ანგარიშსწორება განხორციელდება მიწოდებული შესყიდვის ობიექტის ღირებულების მიხედვით, კანონმდებლობით გათვალისწინებული დოკუმენტების სრულყოფილად გაფორმებიდან 10 (ათი) სამუშაო დღეში.

2.5. დაფინანსების წყარო: **2019 წლის საკუთარი შემოსავლები.**

### მუხლი 3. შესყიდვის ობიექტის ხარისხი

მიმწოდებელი იძლევა გარანტიას, რომ მიწოდებული შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მოთხოვნებს.

### მუხლი 4. ხელშეკრულების მოქმედების ვადები

ხელშეკრულება ძალაში შედის გაფორმებიდან და მოქმედებს 2020 წლის 31 აგვისტოს ჩათვლით.

### მუხლი 5. შესყიდვის ობიექტის მიწოდების პირობები

5.1. შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.



5.2. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 30 (ოცდაათი) კალენდარული დღის განმავლობაში შემსყიდველის მისამართზე: ქ. თბილისი, გ. ფანჯიკიძის ქ. N1ა.

## **მუხლი 6. ხელშეკრულების ინსპექტირება**

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2. შემსყიდველის მხრიდან ინსპექტირებაზე პასუხისმგებელი პირია სსიპ განათლების მართვის საინფორმაციო სისტემის კომპიუტერული სისტემების, ქსელებისა და კომუნიკაციის სამსახურის კომპიუტერული ტექნიკის მხარდაჭერის სპეციალისტი ოლეგ ბაბეცკი.

6.3. ყველა გამოვლენილი ხარვეზის, ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## **მუხლი 7. შესყიდვის ობიექტის მიღება - ჩაბარების წესი**

7.1. ხელშეკრულებით გათვალისწინებული შესყიდვის ობიექტის მიღება დასტურდება მხარეებს შორის მიღება-ჩაბარების აქტის გაფორმებით.

7.2. შემსყიდველის მხრიდან მიღება-ჩაბარების აქტის ხელმოწერაზე პასუხისმგებელი პირია სსიპ განათლების მართვის საინფორმაციო სისტემის ფინანსური და მატერიალური რესურსების სამსახურის მთავარი სპეციალისტი - ლაშა იმერლიშვილი ან სსიპ განათლების მართვის საინფორმაციო სისტემის უფროსის 2018 წლის 3 აპრილის N1.1/151 ბრძანებით განსაზღვრული პირებიდან ერთ-ერთი.

## **მუხლი 8. მხარეთა ვალდებულებები და პასუხისმგებლობა**

8.1. მიმწოდებელი ვალდებულია უზრუნველყოს ხელშეკრულებით განსაზღვრული შესყიდვის ობიექტის მიწოდება უნაკლოდ, თუკი შესყიდვის ობიექტი არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

8.2. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.3. შემსყიდველი ვალდებულია გადაიხადოს შესყიდვის ობიექტის ღირებულება ამ ხელშეკრულებით გათვალისწინებული პირობებით.

8.4. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

8.5. ფორს-მაჟორული გარემოებების გარდა ხელშეკრულებით გათვალისწინებული ვალდებულებების შესრულების ვადების გადაცდენის შემთხვევაში მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

8.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

8.7. ხელშეკრულების ნაწილობრივ შესრულების შემთხვევაში მხარეს ეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

8.8. ხელშეკრულების პირობების შეუსრულებლობის შემთხვევაში მხარეს ეკისრება პირგასამტეხლო ხელშეკრულების საერთო ღირებულების 10%-ის ოდენობით.



8.9. იმ შემთხვევაში, თუ მხარისათვის დაკისრებული პირგასამტეხლოს საერთო თანხა გადააჭარბებს ხელშეკრულების საერთო ღირებულების 1 (ერთი) პროცენტს, მეორე მხარეს უფლება აქვს ცალმხრივად მოითხოვოს ხელშეკრულების შეწყვეტა და მიყენებული ზიანის ანაზღაურება.

### **მუხლი 9. საგარანტიო პირობები**

9.1. მიწოდებულ შესყიდვის ობიექტზე ვრცელდება საგარანტიო მომსახურება მხარეებს შორის შესყიდვის ობიექტის მიღება-ჩაბარების აქტის გაფორმებიდან 1 (ერთი) წლის განმავლობაში.

9.2. საგარანტიო ვადაში მიმწოდებელი ვალდებულია უფასოდ განახორციელოს შესყიდვის ობიექტის შეკეთება, შეტყობინების მიღებიდან 5 (ხუთი) სამუშაო დღის განმავლობაში, ხოლო იმ შემთხვევაში თუ მიწოდებული შესყიდვის ობიექტი არ ექვემდებარება შეკეთებას, უნდა განახორციელოს მისი ახლით შეცვლა შეტყობინების მიღებიდან არაუგვიანეს 7 (შვიდი) სამუშაო დღის განმავლობაში.

9.3. მიმწოდებელი თავისუფლდება ზემოხსენებული მოვალეობის შესრულებისაგან, თუ დადგინდა, რომ დაზიანება შემსყიდველის პერსონალის ბრალითაა გამოწვეული.

### **მუხლი 10. ფორს-მაჟორი**

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

### **მუხლი 11. ხელშეკრულებაში ცვლილებების შეტანის და შეწყვეტის წესი**

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ მხარეთა შორის წერილობითი ფორმით შედგენილი შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების საერთო ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.



11.5. ხელშეკრულების 11.4. პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 (ათი) სამუშაო დღით ადრე წერილობით აცნობოს ამის შესახებ მეორე მხარეს.

11.6. ხელშეკრულება შეიძლება შეწყდეს მხარეთა ურთიერთშეთანხმებით.

## მუხლი 12. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

## მუხლი 13. სხვა პირობები

13.1. წინამდებარე ხელშეკრულება შედგენილია ქართულ ენაზე.

13.2. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

13.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

## მუხლი 14. მხარეთა რეკვიზიტები:

### შემსყიდველი

სსიპ განათლების მართვის

საინფორმაციო სისტემა

ს.კ. 205300048

მის.: ქ. თბილისი, ფანჯიკიძის ქუჩა N1<sup>ა</sup>

### მიმწოდებელი

შპს „ადელაინი“

ს/კ 405203569

მის.: ქ. თბილისი, ვაკე-საბურთალოს რაიონი,

გამრეკელის ქ., N20, სართული 1


სს თბილისი ბანკი

ბანკის კოდი: TBCBGE22

ანგარიშის ნომერი: GE19TB7893136080100008

უფროსი

დიმიტრი ბერიძე



დირექტორი

ხათუნა ოშხარელი